



ᑭᑭᑭᑭᑭᑭ ᑭᑭᑭᑭᑭᑭᑭ
Building Nunavut Together
Nunavut iuuqatigiingniq
Bâtir le Nunavut ensemble

Tuhaqtitauyuqhaq

Qilamik Tuhaqtitauyuqhaq

Hivuliqti Akeeagok uqaqtait an’ngayuqhiit atan’nguyat aadlangguqtut

Iqaluit, Nunavut (Jaanuiali 28, 2022) – Hivuliqti P.J. Akeeagok uqariami tikkuuqtauhimayuq Jimi Onalik Tugliulihuni Ministamut Kavamaliqidjutitkunni Titiraqtiuplunilu Ministanut. Mr. Onalik munariyaqarniaqtuq tamainni ihumaliutqituqhanik upalun’ngaiyainirmun atugaqhamutlu Nunavut Kavamait, aualaqtigluni Hivulliq, Jaanuiali 31, 2022.

David Kunik havangnialiqtuq Tugliuluni Ministamun Pivalliyuliyitkut In’ngilrayuliyitkunnilu, atuliqqat Pingattiut, Fiapuiali 9, 2022.

Hivuliqti ihumagiplugulu pitquyuq Eiryn Devereaux havaaqhanut An’ngiyuqqaap Nunavut Igluliyiyiryuani (NHC mik naunaittuq), nutaqiyut anggirunmik Katimayiinit.

“Quviariyara havaqatigiyaami Jimi Onalik David Kunuklu”, uqaqtuq Hivuliqti Akeeagok. “Piviqhaqaqtitivaktun’nga takuyaami tamannut inungnut huliyuni, pidjutiyut havaariliqtamingnut ayuraqangginmata havakpiaqhimangmatalu amigaittuni ukiuni kangiqhittiaqtaangmatalu. Quviariyagalu tun’ngahuktitiumaplugu Eiryn Devereaux hivuliqtiligluni havaaqhainnut igluliyiinirmun, hivulliyutigiyauplunilu havaaqhait kavamaptingnut.

Talvanga 2020, Jimi Onalik kivraqtuivaktuq Tugliupluni Ministamun Pivalliyuliyitkut In’ngilrayuliyitkunnilu. Havaagilihaaqaalu Ikayuqtiupluni Tuglianut Ministamun munariyaqaqhani Maniliurnirmun, talvanilu avikturviitigun aulapkaidjutiqhainnut, uyaraqhiuqtutikkut, pulaarnirmun pitquhikkutlu havagvikyuani.

David Kunuk piqaqhani an’ngiyuamik havaarivaktainnik an’ngayuqhiit atan’nguyaqtuiviliqinikkut ukiuqtaqtuup avikturviani Kavamainni, Tikkuuqtauhimayuni Inuit Timiqutainni, Pivalliyuliyitkutlu Kuapuraisini Nunavunmi. Qanggannuaq, Mr. Kunuk Ataniuvaktuq Auladjutinun Havakti hapkununga Nunavut Tunngavikkunni.

